



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք. Երևան, Շոպրոնի 77, Հեռ.

N 91/- 419

< 13 > 08 2021թ.

Սևադա Վլադիմիրի Նովիկովին
ք. Երևան Տիգրանյան 192, 60քն.

Ուղարկում եմ ՀՀ ոստիկանության պարեկային ծառայության վարչական իրավախախտման վերաբերյալ գործով Ձեր նկատմամբ 21.07.2021թ. կայացված թիվ ՊԾ 001209 որոշումն անփոփոխ, իսկ բողոքն՝ առանց բավարարման թողնելու մասին որոշումը:

Առդիր՝ որոշումը <<3>> թերթ:

Հարգանքով՝

ՊԵՏ,
ՈՍՏԻԿԱՆՈՒԹՅԱՆ ԳԼԴԱՊԵՏ՝

Ա.ՌԻՄՐՇԱՏՅԱՆ

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 20.07.2021թ. կայացված թիվ ՊԾ 001209 որոշումն անփոփոխ, իսկ վարչական բողոքն առանց բավարարման թողնելու մասին

<<13>> 08 2021թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ա. Ումրշատյանս, վերանայելով Սևադա Վլադիմիրի Նովիկովի՝ թիվ ՊԾ 001209 որոշումը բողոքարկելու վերաբերյալ 28.07.2021թ. դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

2021 թվականի հուլիսի 20-ին՝ ժամը 03:30-ին, ՀՀ ոստիկանության պարեկային ծառայության Երևան քաղաքի գնդի 1-ին գումարտակի 3-րդ վաշտի ավագ պարեկ Արթուր Հուսիկի Վարդանյանը կանգնեցրել է Սևադա Վլադիմիրի Նովիկովի վարած <<Նիսան>> մակնիշի 36ZA696 հ/հ ավտոմեքենան և կազմել վարչական իրավախախտման վերաբերյալ արձանագրություն՝ տրանսպորտային միջոցն ոչ սթափ վիճակում վարելու համար, այնուհետև կայացրել է թիվ ՊԾ 001209 որոշումը, որով, <<Վարչական իրավախախտումների վերաբերյալ>> ՀՀ օրենսգրքի 126-րդ հոդվածի 1-ին մասի համաձայն, տրանսպորտային միջոցը ոչ սթափ վիճակում վարելու համար Սևադա Նովիկովին տուգանել է 150.000 ՀՀ դրամ գումարի չափով:

30.07.21թ. ՀՀ ոստիկանության պարեկային ծառայություն է ստացվել Սևադա Նովիկովի 28.07.21թ. դիմումը, որով վերջինս իր անհամաձայնությունն է հայտնել և խնդրել է վերանայել վերոնշված որոշումը՝ պատճառաբանելով, որ ակոհոլ չի օգտագործել և ոչ սթափ վիճակում տրանսպորտային միջոց չի վարել: Նշել է նաև, որ սթափության զննության արձանագրությանը ծանոթանալուց հետո պահանջել է այլ սարքով տեստ անցկացնել, սակայն պարեկը հրաժարվել է: Խնդրել է ակտի կատարումը երկարաձգել վեց ամիս ժամկետով՝ մինչև բողոքարկման վարույթի արդյունքում որոշում կայացնելը:

Անդրադառնալով Ս. Նովիկովի՝ որոշման կատարման երկարաձգման խնդրանքին՝ պետք է նշել, որ <<Վարչական իրավախախտումների վերաբերյալ>> ՀՀ օրենսգրքի 290-րդ հոդվածի համաձայն՝ սահմանված ժամկետում գանգապ տալը կասեցնում է վարչական տույժ նշանակելու որոշման կատարումը մինչև գանգապը քննելը, բացառությամբ սույն օրենսգրքի 25, 28.1 և 29, 31.1-ին հոդվածներով նախատեսված տույժի միջոցները կիրառելու մասին որոշումների, ինչպես նաև վարչական իրավախախտում կատարելու տեղում գանձվող տուգանք նշանակելու դեպքերում:

Ինչ վերաբերում է պարեկի կողմից կրկին անգամ սթափության զննություն անցկացնելու վերաբերյալ Ս. Նովիկովի խնդրանքի մերժմանը, ապա <<Վարորդների սթափության վիճակի զննության կարգը, այդ զննության արձանագրության, ուղեգրի, գրանցման մատյանի ձևերը հաստատվելու մասին>> ՀՀ կառավարության թիվ 277-ն որոշման թիվ 1 հավելվածի 7-րդ կետի համաձայն՝ վարորդի սթափության վիճակի զննությունը, նրա օրգանիզմում ալկոհոլի, թմրամիջոցների, հոգեմեդ (հոգեներգործուն) նյութերի հայտնաբերման հետազոտությունները՝ կազմակերպությունների կամ քաղաքացիների դիմումի համաձայն իրականացվում են վճարովի:

<<Վարչարարության հիմունքների և վարչական վարույթի մասին>> ՀՀ օրենքի 38-րդ հոդվածով սահմանված կարգի համաձայն՝ Սևադա Նովիկովը վարչական վարույթի ընթացքում բացառություն է տվել և պնդել դիմումով հայտնածը:

<<Վարչարարության հիմունքների և վարչական վարույթի մասին>> ՀՀ օրենքի 37-րդ հոդվածի կարգով՝ վարչական վարույթի բազմակողմանիությունը, լրիվությունը և օբյեկտիվությունն ապահովելու, գործի բոլոր, այդ թվում՝ վարույթի մասնակցի օգտին առկա հանգամանքները բացահայտելու համար, նույն օրենքի 73-րդ հոդվածի 4-րդ մասի համաձայն, ստացվել և ուսումնասիրվել է <<Ալկոտեստեր>> սարքի տպագրած սթափության զննության արձանագրությունը, համաձայն որի, Սևադա Նովիկովի արտաշնչած մեկ լիտր օդի մեջ ալկոհոլի պարունակությունը 0.129 միլիգրամ է եղել, ինչպես նաև ստացվել և ուսումնասիրվել է նշված <<Ալկոտեստեր>> սարքի՝ թիվ 038905 սրուգաչափման վկայականը, որն ուժի մեջ է մինչև 2021 թվականի նոյեմբերի 11-ը: Նույն վկայականով սարքի ճշտության դասը՝ սխալանքի հնարավորությունը, նախատեսված է 10 տոկոս:

<<Վարորդների սթափության վիճակի զննության կարգը, այդ զննության արձանագրության, ուղեգրի, գրանցման մատյանի ձևերը հաստատվելու մասին>> ՀՀ կառավարության թիվ 277-ն որոշման 1.1 կետի 3-րդ ենթակետի <<ա>> պարբերության համաձայն՝ արտաշնչած օդի մեջ մաքուր ալկոհոլի պարունակության միջոցով ոստիկանության ծառայողի կողմից վարորդի սթափության վիճակի զննություն (ոչ սթափ վիճակում լինելու փաստի ստուգում) իրականացնելու համար նախատեսված տեխնիկական միջոցի համար թույլատրելի է 0-0,2 մգ/լ միջակայքի համար՝ +0,02 մգ/լ-ից ոչ ավելի սխալանքը:

Նույն որոշման թիվ 4 հավելվածի 6-րդ կետի համաձայն՝ վարորդի սթափության վիճակի զննության արդյունքում <<Վարչական իրավախախտումների վերաբերյալ>> Հայաստանի Հանրապետության օրենսգրքի 126-րդ հոդվածի 1-ին մասով նախատեսված վարչական իրավախախտման վերաբերյալ արձանագրություն կազմվում է, եթե նրա արտաշնչած օդի մեջ մաքուր ալկոհոլի պարունակությունը գերազանցում է նույն հոդվածի 9-րդ մասով նախատեսված չափը 10 տոկոսով (0.12մգ/լ կամ ավելի է):

<<Ճանապարհային երթևեկության անվտանգության ապահովման մասին>> ՀՀ օրենքի 7-րդ մասի <<ա>> կետի համաձայն՝ վարորդին արգելվում է տրանսպորտային միջոցը վարել ոչ սթափ վիճակում:

<<Վարչական իրավախախտումների վերաբերյալ>> ՀՀ օրենսգրքի 126-րդ հոդվածի 1-ին մասի համաձայն՝ տրանսպորտային միջոցները ոչ սթափ վիճակում վարելը, եթե վարորդը միայն ալկոհոլի ազդեցության տակ է, և զանցանքը չի պարունակում սույն հոդվածի երկրորդից հինգերորդ մասերի հատկանիշները

առաջացնում է տուգանքի նշանակում՝ սահմանված նվազագույն աշխատավարձի հարյուրհիսնապատիկի չափով:

Նույն հոդվածի 9-րդ մասի համաձայն՝ սույն օրենսգրքով նախատեսված դեպքում անձը համարվում է ոչ սթափ վիճակում գտնվող, եթե ստուգմամբ պարզվում է, որ նրա մեկ լիտր արյան մեջ մաքուր ալկոհոլի պարունակությունը 0.2 գրամից կամ մեկ լիտր արտաշնչած օդի մեջ 0.1 միլիգրամից ավելի է:

Այսպիսով, վարչական իրավախախտման վերաբերյալ գործով թիվ 001209 որոշումն օրինական է և հիմնավորված:

Ելնելով վերոգրյալից և ղեկավարվելով <<Վարչական իրավախախտումների վերաբերյալ>> ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. ՀՀ ոստիկանության պարեկային ծառայության վարչական իրավախախտման վերաբերյալ գործով 20.07.2021թ. կայացված թիվ ՊԾ 001209 որոշումը թողնել անփոփոխ, իսկ բողոքը՝ առանց բավարարման:
2. Որոշման պատճենը երեք աշխատանքային օրվա ընթացքում հանձնել Սևադա Վլադիմիրի Նովիկովին, ինչպես նաև ՀՀ ոստիկանության պարեկային ծառայության Երևան քաղաքի գունդ :
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:

ՀՀ ոստիկանության պարեկային ծառայության պետ,
ոստիկանության գնդապետ՝



Ա. Ումրշարյան